

"Službeni glasnik BiH", broj: 05/13

Na osnovu člana 5. stav 6. Zakona o mineralnim đubrivima ("Službeni glasnik BiH", br. 46/04 i 76/11) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Uprave Bosne i Hercegovine za zaštitu zdravlja bilja, uz prethodno mišljenje nadležnih organa entiteta i Brčko distrikta Bosne i Hercegovine, na 32. sjednici, održanoj 18. decembra 2012. godine, donijelo je

PRAVILNIK

O UPISU MINERALNIH ĐUBRIVA U REGISTAR MINERALNIH ĐUBRIVA

DIO PRVI - OPĆE ODREDBE

Član 1.

(Predmet)

Ovim Pravilnikom propisuju se detaljni uslovi za upis mineralnih đubriva u Registar mineralnih đubriva (u daljem tekstu: Registar) kao i postupak brisanja iz Registra, sadržaj i način vođenja Registra.

DIO DRUGI - REGISTAR MINERALNIH ĐUBRIVA

Član 2.

(Vođenje Registra)

- (1) Registar vode nadležni organi entiteta i Brčko distrikta Bosne i Hercegovine (u daljem tekstu: Brčko distrikt) svako unutar svog administrativnog područja nadležnosti.
- (2) Uprava Bosne i Hercegovine za zaštitu zdravlja bilja (u daljem tekstu: Uprava) vodi Centralni registar za Bosnu i Hercegovinu.
- (3) Registar se vodi u pisanom i u elektronskom obliku.

Član 3.

(Sadržaj Registra)

Registar obavezno sadrži:

- a) redni broj upisa,
- b) naziv mineralnog đubriva,
- c) oznaku tipa mineralnog đubriva u skladu sa Prilogom I Pravilnika o uslovima za stavljanje u promet, kvaliteti i kontroli kvalitete mineralnih đubriva te skladištenju i rukovanju mineralnim đubrivima ("Službeni glasnik BiH", br. 90/09 i 13/11),
- d) naziv proizvođača i uvoznika ili distributera mineralnog đubriva i redni broj iz Registra distributera i uvoznika,
- e) broj i datum Rješenja upisa mineralnog đubriva ili brisanja mineralnog đubriva iz Registra.

Član 4.

(Zahtjev za upis u Registar)

- (1) Upis u Registar vrši se na osnovu zahtjeva koji se podnosi nadležnom organu entiteta ili Brčko distrikta. Zahtjev se podnosi na obrascu koji se nalazi u Prilogu I ovog Pravilnika i čini njegov sastavni dio.
- (2) Pravo na podnošenje zahtjeva iz stava (1) ovog člana ima proizvođač za mineralno đubrivo proizvedeno u Bosni i Hercegovini ili uvoznik mineralnog đubriva koji stavlja u promet mineralna đubriva ukoliko je upisan u Registar distributera i uvoznika.
- (3) Uz uredno popunjen obrazac zahtjeva moraju biti priloženi rezultati analize kvaliteta đubriva koji se sastoji od izvještaja i mišljenja laboratorija ovlaštenog za ispitivanje kvaliteta mineralnog đubriva za koje se traži upis.

Član 5.

(Upis u Registar)

- (1) Nadležni organi entiteta i Brčko distrikta rješavajući zahtjev u skladu sa odredbama Zakona o mineralnim đubrivima i Zakona o upravnom postupku donose rješenje o upisu registar:
 - a) ukoliko je iz rezultata analize vidljivo da mineralno đubrivo udovoljava uslovima propisanim Pravilnikom o uslovima za stavljanje u promet, kvaliteti i kontroli kvalitete mineralnih đubriva te skladištenju i rukovanju mineralnim đubrivima,
 - b) ako je proizvođač odnosno uvoznik registrovan za proizvodnju odnosno trgovinu mineralnim đubrivima.
- (2) Nadležni organi iz stava (1) dužni su dostaviti Upravi podatke iz Registra u roku od 15 dana od dana upisa mineralnog đubriva u Registar.

"Službeni glasnik BiH", broj: 05/13

Član 6.

(Brisanje iz Registra)

- (1) Brisanje iz Registra vrši se u sljedećim slučajevima:
 - a) na osnovu zahtjeva podnosioca u slučaju prestanka obavljanja djelatnosti prometa mineralnih đubriva ili ukoliko su prestali uslovi propisani ovim Pravilnikom na osnovu kojih je doneseno rješenje o upisu u Registar,
 - b) po službenoj dužnosti ukoliko su prestali uslovi propisani ovim Pravilnikom na osnovu kojih je doneseno rješenje o upisu u Registar.
- (2) O brisanju iz Registra nadležni organi entiteta i Brčko distrikta donose rješenje u skladu sa odredbama Zakona o mineralnim đubrivima i Zakona o upravnom postupku.

Član 7.

(Izuzeci od upisa u Registar)

- (1) U registar sene upisuju:
 - a) mineralna đubriva koja se proizvode radi izvoza,
 - b) mineralna đubriva koja se koriste u naučno-istraživačke svrhe i u količinama potrebnim za te svrhe.
- (2) Za mineralna đubriva iz stava (1) tačke b) ovoga člana naučno-istraživačka organizacija je dužna Upravi podnijeti zahtjev za korištenje mineralnog đubriva u naučno-istraživačke svrhe u skladu s članom 11. Zakona o mineralnim đubrivima i uz zahtjev priložiti izjavu o namjeni korištenja u naučno-istraživačke svrhe i rezultat analize kvaliteta đubriva.
- (3) U slučaju iz stava (2) ovog člana Uprava donosi rješenje kojim se dozvoljava izuzetak od upisa u registar ukoliko je vidljivo, na osnovu dostupnih podataka, da mineralno đubrivo nema negativan uticaj na gajene biljke, zdravlje ljudi i životinja i okoliš.

DIO TREĆI - PRIJELAZNE I ZAVRŠNE ODREDBE

Član 8.

(Rok za upis)

Proizvođači i uvoznici mineralnih đubriva dužni su mineralna đubriva koja se nalaze na tržištu u Bosni i Hercegovini upisati u Registar najkasnije do 31.12.2013. godine.

Član 9.

(Stupanje na snagu)

Ovaj Pravilnik stupa na snagu osmog dana od dana objavljivanja u "Službenom glasniku BiH".

VMbroj 250/12 Predsjedavajući Vijeća ministara BiH **Vjekoslav Bevanda**, s. r.
18. decembra 2012. godine, Sarajevo

Prilog I

ZAHTJEV

ZA UPIS MINERALNIH ĐUBRIVA U REGISTAR

Na osnovu člana 5. Zakona o mineralnim đubrivima ("Službeni glasnik BiH", br. 46/04 i 76/11) i člana 4. Pravilnika o upisu mineralnih đubriva u Registar mineralnih đubriva podnosimo zahtjev za:

upis mineralnog đubriva u Registar brisanje iz Registra

I. OSNOVNI PODACI PODNOSIOCA ZAHTJEVA

Naziv	
Sjedište	
Kontakt telefon	
Elektronska (e-mail) adresa	
Broj rješenja o upisu u Registar distributera i uvoznika	

II. OSNOVNI PODACI O PROZVOĐAČU MINERALNOG ĐUBRIVA

Naziv	
Adresa, zemlja porijekla	

Zemlja iz koje se uvozi	
--------------------------------	--

III. PODACI O MINERALNOM ĐUBRIVU

Naziv trgovačkog imena mineralnog đubriva	
Vrsta đubriva	
Oznaka tipa mineralnog đubriva	
Dodatna oznaka hranjiva	
Vrsta, sadržaj hranjiva	
Vrsta i veličina pakovanja	

IV. RAZLOG ZAHTJEVA ZA BRISANJE

U _____

Podnosilac zahtjeva

Dana: _____

(Potpis ovlaštenog lica ovjeren pečatom)

Prilog:

Rezultat analize mineralnog đubriva